

SFS nr: 2009:600

Departemeanta/Eiseváldi: **Kulturdepartemeantta**

Bajilčálus: **Giellaláhka** (2009:600)

Almmuhuvvon: 2009-05-28

Lága sisdoallu ja ulbmil

1 § Dán lágas gávdnojit mearrádusat ruođa giela birra, nášuvnnalaš unnitlogugielaid ja ruođa seavagiela birra. Láhka sisdoallá maid mearrádusaid almmolaš servodaga ovddasvástádusas vai ovttaskas olmmoš oazžu vejolašvuoda gillii ja maid giellageavaheami birra almmolaš doaimmain ja gaskariikkalaš oktavuodain.

2 § Ulbmil lágain lea nannet ruođagiela ja eará gielaid árvvu ja geavaheami ruođa servodagas. Láhka ulbmil lea maid gáhttet ruođagiela ja dan gielalaš girjáivuoda Ruođas ja maid ovttaskas olbmo vejolašvuoda gillii.

3 § Jus eará láhka dahje njuolggadus sisdoallá mearrádusa mii spiehkasta dán lágas, dalle lea dat mearrádus gievrrabut.

Ruođagiella

4 § Ruođagiella lea váldogiella Ruođas.

5 § Váldogiellan ruođagiella lea servodaga oktasaš giella, man visot geat orrut Ruođas galget beassat geavahit ja mii galgá sáhttit geavahuvvot visot servodaga osiin.

6 § Almmolaš servodagas lea erenomáš ovddasvástádus das ahte ruođagiella geavahuvvo ja ovddiduvvo.

Nášuvnnalaš unnitlogugielat

7 § Nášuvnnalaš unnitlogugielat leat suomagiella, jiddisch, meänkieli, romani chib ja sámegiella.

8 § Almmolaš servodagas lea erenomáš ovddasvástádus suodjalit ja ovddidit nášuvnnalaš unnitlogugielaid.

Ruoŧa seavagiella

9 § Almmolaš servodagas lea erenomáš ovddasvástádus suodjalit ja ovddidit ruoŧa seavagiela.

Giellageavaheapmi almmolaš doaimmas

10 § Giella duopmostuoluin, hálldahuseiseválddiin ja eará orgánain geat ollášuhttet bargguideaset almmolaš doaimmas lea ruoŧagiella.

Eará lágas gávdnojit sierra njuolggadusat vuoigatvuoda birra geavahit nášuvnnalaš unnitlogugiela ja eará davviriikkalaš giela.

Mii guoská duopmostuoluid ja hálldahuseiseválddiid geatnegasvuoda barggahit dulkka ja jorgalit áššebáhpiriid de gávdnojit sierra mearrádusat dasa.

11 § Giella almmolaš doaimmas galgá leat čorgat, álki ja ipmirdahti.

12 § Eiseválddiin lea erenomáš ovddasvástádus ahte ruoŧa terminologiiija sin iešgudet doaibmabeliin gávdno, geavahuvvo ja ovddiduvvo.

Ruoŧagiella gaskariikkalaš oktavuodain

13 § Ruoŧagiella lea Ruoŧa almmolaš giella gaskariikkalaš oktavuodain.

Ruoŧagiela sajádat dego almmolaš giellan Eurohpálaš uniovnnas galgá gáhttejuvvot.

Ovttaskas olbmo vejolašvuohta gillii

14 § Juohkehaš gii orru Ruotas galgá oažžut vejolašvuođa oahppat, ovddidit ja geavahit ruođagiela. Dasa lassin galgá

1. dat guhte gullá nášuvnnalaš unnitlohkui addut vejolašvuođa oahppat, ovddidit ja geavahit unnitlogugiela, ja

2. dat guhte lea bealjeheapme dahje geas leat gullanváltut dahje eará sivaiddihte dárbbáša seavagiela oažžut vejolašvuođa oahppat, ovddidit ja geavahit unnitlogugiela

Das guhte lea eará eatnigiella go dat gielat mat namuhuvvot vuosttas bihttás galgá oažžut vejolašvuođa ovddidit ja geavahit eatnigielas.

15 § Almmolaš servodagas lea ovddasvástádus das ahte oktasaš olmmoš oažžu vejolašvuođa gillii 14 § jelgii.